

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKO VIJEĆE KAKANJ**

PRIJEDLOG

Broj: 01/1_____/19
Kakanj,_____2019. godine

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 33. stav (2) Zakona o pravobranilaštvu („Službene novine Zeničko- dobojskog kantona“, broj: 12/13) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće Kakanj, na ____sjednici održanoj _____2019. godine, d o n i j e l o j e

**ODLUKU
o imenovanju Općinskog pravobranioca**

Član 1.

AJANOVIĆ VESNA, diplomirani pravnik iz Kaknja, imenuje se za Općinskog pravobranioca Općine Kakanj.

Član 2.

Imenovanje se vrši na period od četiri godine, počev od 01.11.2019. godine.

Član 3.

Ova Odluka stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić

Obrazloženje

U skladu sa odredbama Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13), objavljen je Javni konkurs za imenovanje Općinskog pravobranioca Općine Kakanj, broj: 02-1-6298/19 od 23.08.2019. godine. Rješenjem Općinskog načelnika, broj: 02/1-6299/19 od 23.08.2019. godine, imenovana je Komisija za izbor Općinskog pravobranioca Općine Kakanj.

Zadatak Komisije je da po prijemu podnesenih prijava na Javni konkurs za imenovanje Općinskog pravobranioca u Općini Kakanj, broj: 02/1-6298/19 od 23.08.2019. godine, pregleda sve prijave, koje stignu u propisanom roku, te u skladu sa članom 3., 10. - 12. Zakona o ministarskim, vladinim i drugim imenovanjima Federacije BiH i uslovima za imenovanje, sastavi listu s užim izborom najboljih kandidata koji ispunjavaju sve uslove za imenovanje. Komisija je dužna da pozove sve kandidate koji su ušli u uži izbor, na intervju, a koji će se obaviti u skladu sa Zakonom. Nakon intervju, Komisija je obavezna, putem pisane preporuke, predložiti rang-listu najboljih kandidata Općinskom načelniku, na daljnje razmatranje.

Komisija je dana 17.09.2019. godine, sa početkom u 08.00 sati, održala sastanak, te pregledala prijave koje su

stigle u propisanom roku. Na Javni konkurs za imenovanje Općinskog pravobranioca prijavio se samo jedan

kandidat: Vesna Ajanović, diplomirani pravnik iz Kakanja.

Uz urednu i blagovremenu prijavu, kandidat je dostavio sljedeću dokumentaciju:

- Biografija (original),
- Uvjerenje o državljanstvu, broj: 08/19-13-5-864/19 od 04.09.2019. godine (original),
- Fakultetske diploma, broj: 246 od 27.03.1985. godine (ovjerena kopija),
- Uvjerenje o položenom pravosudnom ispitu, broj: 05/3-153-541/87 od 14.10.1987. godine (ovjerena kopija),
- Uvjerenje o radnom iskustvu, broj: 08/1-1330/19 od 04.09.2019. godine (original),
- Uvjerenje da se protiv kandidata ne vodi krivični postupak, broj: 36 0 Kr 343 19 od 04.09.2019. godine (original),
- Uvjerenje o nekažnjavanju, broj: 08-02-09/2-04-2-6032/19 od 04.09.2019. godine (original),
- Uvjerenje o položenom notarskom ispitu, broj: 03-34-133/09 od 28.04.2009. godine (ovjerena kopija).

Pošto je imenovani kandidat uz prijavu na Javni konkurs priložio svu potrebnu dokumentaciju, te isti ispunjava kriterije za imenovanje, odnosno opće i posebne uslove iz Javnog konkursa, Komisija je u skladu sa članom 11. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13), dana 17.09.2019. godine u 09.00 sati obavila intervju sa prijavljenim kandidatom.

Nakon obavljenog intervju, Komisija je konstatovala da Vesna Ajanović, jedini prijavljeni kandidat, izuzetno poznaje propise iz oblasti stvarnog i obligacionog prava, te druge propise koji se tiču rada Općinskog pravobranilaštva.

Obzirom da je Vesna Ajanović jedini kandidat, koji se nalazi na listi sa užim izborom, te da je povoljno ocijenjena prema kriterijima za imenovanje, predlaže se da Općinsko vijeće Kakanj, u skladu sa članom 33. stav 2. Zakona o pravobranilaštvu („Službene novine Ze – do kantona“ broj: 12/13), donese Odluku o imenovanju Vesne Ajanović za Općinskog pravobranioca Općine Kakanj na period od četiri godine, počev od 01.11.2019. godine.

Obrađivač

Predlagač

Komisija za izbor

**OPĆINSKI NAČELNIK
Općinskog pravobranioca**

Aldin Šljivo